

(სსმ III, 25.02.2010 N 22 მუხ. 283)

რეგისტრირებულია
საქართველოს იუსტიციის
სამინისტროში
რეგისტრაციის ნომერი
300.050.000.18.011.014.251

**საქართველოს ეროვნული ბანკის პრეზიდენტის
ბრძანება N 21/01**

2010 წლის 22 თებერვალი ქ. თბილისი

**„ანგარიშვალდებული საწარმოს მმართველი ორგანოს წევრის მიერ
თავის საკუთრებაში არსებული ამ საწარმოს ფასიანი ქაღალდების
ფლობის შესახებ ანგარიშის წარდგენისა და ანგარიშვალდებული
საწარმოს ფასიანი ქაღალდების მნიშვნელოვანი შენაძენისა და მისი
ცვლილებების საჯაროობის წესის“ დამტკიცების თაობაზე**

„საქართველოს ეროვნული ბანკის შესახებ“ საქართველოს ორგანული კანონის მე-15 მუხლის პირველი პუნქტის „ზ“ ქვეპუნქტისა, 52-ე მუხლის, „ფასიანი ქაღალდების ბაზრის შესახებ“ საქართველოს კანონის მე-12 მუხლის და მე-14 მუხლის მე-2 პუნქტის შესაბამისად, **ვბრძანებ:**

1. დამტკიცდეს ანგარიშვალდებული საწარმოს მმართველი ორგანოს წევრის მიერ თავის საკუთრებაში არსებული ამ საწარმოს ფასიანი ქაღალდების ფლობის შესახებ ანგარიშის წარდგენისა და ანგარიშვალდებული საწარმოს ფასიანი ქაღალდების მნიშვნელოვანი შენაძენის და მისი ცვლილებების საჯაროობის წესი თანდართულ დანართებთან ერთად.

2. ამ ბრძანების ამოქმედებისთანავე ძალადაკარგულად გამოცხადდეს:

ა) „ანგარიშვალდებული საწარმოს ფასიანი ქაღალდების მნიშვნელოვანი შენაძენის და მისი ცვლილებების საჯაროობის შესახებ“ წესის დამტკიცების თაობაზე“ საქართველოს ფასიანი ქაღალდების ეროვნული კომისიის 2001 წლის 19 მარტის N9 დადგენილება;

ბ) „ანგარიშვალდებული საწარმოს მმართველი ორგანოს წევრის ბენეფიციურ საკუთრებაში არსებული ფასიანი ქაღალდების შესახებ ანგარიშის წარდგენის თაობაზე“ საქართველოს ფასიანი ქაღალდების ეროვნული კომისიის 2000 წლის 7 აგვისტოს N7 დადგენილება.

3. ეს ბრძანება ამოქმედდეს გამოქვეყნებისთანავე.

გ. ქადაგიძე

**ანგარიშვალდებული საწარმოს მმართველი ორგანოს წევრის მიერ თავის
საკუთრებაში არსებული ამ საწარმოს ფასიანი ქაღალდების ფლობის
შესახებ ანგარიშის წარდგენისა და ანგარიშვალდებული საწარმოს
ფასიანი ქაღალდების მნიშვნელოვანი შენაძენის და მისი
ცვლილებების საჯაროობის წესი**

**თავი I
ზოგადი დებულებანი**

მუხლი 1. წესი მოქმედების სფერო

1.ეს წესი განსაზღვრავს:

ა) საჯაროობის მოთხოვნებს ანგარიშვალდებული საწარმოს ფასიანი ქაღალდების მნიშვნელოვანი შენაძენის და მათში ცვლილებების მიმართ, ადგენს ამგვარ შენაძენთა შესახებ შეტყობინებების ფორმასა და შინაარსს, ასევე მათი გავრცელების ვადებსა და პროცედურას;

ბ) ანგარიშვალდებული საწარმოს მმართველი ორგანოს წევრის მიერ თავის საკუთრებაში არსებული ამ საწარმოს ფასიანი ქაღალდების ფლობის შესახებ ანგარიშის შემდგენელ პირს ან პირთა ჯგუფს, ანგარიშის ფორმებსა და შინაარსს და მისი საქართველოს ეროვნული ბანკისადმი (შემდეგში – ეროვნული ბანკი) წარდგენის ვადებსა და პროცედურას.

2. ამ წესში გამოყენებულ ტერმინებს გააჩნიათ „საქართველოს ეროვნული ბანკის შესახებ“ საქართველოს ორგანული კანონითა და „ფასიანი ქაღალდების ბაზრის შესახებ“ საქართველოს კანონით (შემდგომში – კანონი) განსაზღვრული მნიშვნელობა.

თავი II

**ანგარიშვალდებული საწარმოს ფასიანი ქაღალდების მნიშვნელოვანი
შენაძენი და მისი ცვლილებების საჯაროობა**

მუხლი 2. მოთხოვნები შეტყობინებათა გავრცელებისადმი ფასიანი ქაღალდების მნიშვნელოვანი შენაძენის დროს

1. პირი ან პირთა ჯგუფი ვალდებულია ფასიანი ქაღალდების მნიშვნელოვანი შენაძენის შესახებ შეტყობინება (ამ წესის დანართი N1-ით გათვალისწინებული ფორმით) ამ ფაქტის დადგომიდან 10 სამუშაო დღის ვადაში, წარუდგინოს:

ა) ეროვნულ ბანკს;

ბ) ამ ფასიანი ქაღალდების ემიტენტს;

გ) იმ საფონდო ბირჟას, რომელზედაც, ხორციელდება ამ ფასიანი ქაღალდების ყიდვა-გაყიდვა (სავაჭროდ არის დაშვებული).

2. თუ პირი ან პირთა ჯგუფი შეიძენს იმ კომერციული ბანკის მნიშვნელოვან წილს, რომელიც არის ანგარიშვალდებული საწარმო და, თუ ამ პირს ეროვნულ ბანკში წარმოდგენილი აქვს შესაფერისობის დეკლარაცია „კომერციული ბანკების საქმიანობის შესახებ“ საქართველოს კანონის 4¹ და 8¹ მუხლების შესაბამისად, მაშინ მას არ ევალება დამატებით ამ მუხლით გათვალისწინებული შეტყობინების წარმოდგენა ეროვნულ ბანკში,

მაგრამ არ თავისუფლდება აღნიშნული შეტყობინების წარდგენის ვალდებულებისაგან ემიტენტისთვის და საფონდო ბირჟისთვის.

3. ამ წესის მიზნებისათვის ჯგუფად ჩაითვლებიან პირები, თუკი ისინი აკმაყოფილებენ კანონის მე-14 მუხლის მე-3 პუნქტის მოთხოვნებს.

4. თუ ემიტენტის აქციონერთა საერთო კრების ჩატარების თარიღი ამ მუხლის პირველი პუნქტით გათვალისწინებული ვადის გასვლამდე დგება, შეტყობინებათა წარდგენა უნდა მოხდეს შეძენის შემდეგ 1 სამუშაო დღის ვადაში.

5. ამ მუხლის მე-4 პუნქტით გათვალისწინებულ შემთხვევაში რეგისტრატორს ეკისრება ვალდებულება შემძენს შეატყობინოს აქციონერთა საერთო კრების გამართვის თარიღი.

მუხლი 3. წარდგენილ შეტყობინებათა საჯაროობა

ამ წესის შესაბამისად წარდგენილი შეტყობინებები საჯაროა.

მუხლი 4. შეუტყობინებლობით გამოწვეული შედეგები

1. თუ ეროვნული ბანკის ან საფონდო ბირჟის მიერ გამოაშკარავდება, რომ პირმა ან პირთა ჯგუფმა დაარღვია ამ წესით გათვალისწინებული შეტყობინებასთან დაკავშირებული რომელიმე მოთხოვნა, მაშინ ეროვნულ ბანკს შეუძლია შეუჩეროს მას საწარმოს უახლოეს აქციონერთა საერთო კრებაზე მის მფლობელობაში არსებული ანგარიშვალდებული საწარმოს 10%-ზე მეტ აქციებზე ხმების გამოყენების უფლება.

2. თუ შეტყობინებისადმი მოთხოვნა პირთა ჯგუფის მხოლოდ ერთმა ან ზოგიერთმა წევრმა დაარღვია, მაშინ ხმის უფლებას დაკარგავს ჯგუფის ყველა წევრი სოლიდარულად.

თავი III

ანგარიშვალდებული საწარმოს მმართველი ორგანოს წევრის მიერ თავის საკუთრებაში არსებული ამ საწარმოს ფასიანი ქაღალდების ფლობის შესახებ ანგარიში

მუხლი 5. ანგარიშვალდებული საწარმოს მმართველი ორგანოს წევრის მიერ თავის საკუთრებაში არსებული ამ საწარმოს ფასიანი ქაღალდების ფლობის შესახებ ანგარიშის წარდგენა

1. ანგარიშვალდებული საწარმოს მმართველი ორგანოს ყოველი წევრი ვალდებულია ეროვნულ ბანკში წარადგინოს მის საკუთრებაში არსებული ამ საწარმოს ყველა ფასიანი ქაღალდის ამსახველი საწყისი ანგარიში, ამ წესის დანართი N2-ით გათვალისწინებული ფორმით.

2. საწყისი ანგარიში წარდგენილ უნდა იქნას ეროვნულ ბანკში 10 სამუშაო დღის ვადაში მას შემდეგ, როცა:

ა) საწარმო გახდა ანგარიშვალდებული;

ბ) პირი (რომელიც ფლობს ანგარიშვალდებული საწარმოს ფასიან ქაღალდებს) გახდა ამ საწარმოს მმართველი ორგანოს წევრი;

გ) პირმა (საწარმოს მმართველი ორგანოს წევრმა) შეიძინა აღნიშნული საწარმოს ფასიანი ქაღალდები.

3. თუ საწარმოს ფასიანი ქაღალდები სავაჭროდ დაშვებულია საფონდო ბირჟაზე, მაშინ ეროვნულ ბანკში ანგარიშის წარდგენისთანავე მმართველი ორგანოს წევრი ანალოგიურ ანგარიშს წარუდგენს საფონდო ბირჟასაც.

4. თუ მმართველი ორგანოს წევრის მიერ მოხდა ანგარიშვალდებული საწარმოს ფასიანი ქაღალდების მნიშვნელოვანი წილის შექმნა, მაშინ ის ეროვნულ ბანკში წარადგენს ერთ ანგარიშს, რომელიც შედგენილია ამ მუხლის შესაბამისად. აღნიშნულ შემთხვევაში მმართველი ორგანოს წევრი ანგარიშში აკეთებს მნიშვნელოვანი შენაძენის შესახებ მითითებას.

მუხლი 6. საანგარიშგებო ცვლილებები ბენეფიციურ საკუთრებაში

1. ანგარიშვალდებული საწარმოს მმართველი ორგანოს წევრმა ეროვნულ ბანკს უნდა წარუდგინოს მის ბენეფიციურ საკუთრებაში ცვლილებების ამსახველი განახლებული ანგარიში. მას ეს იმ შემთხვევაშიც მოეთხოვება, როდესაც გარკვეულ მიზეზთა გამო მის მიერ საწყისი ანგარიში ჯერ არ არის წარდგენილი.

2. განახლებული ანგარიში წარდგენილ უნდა იქნას ბენეფიციურ საკუთრებაში ცვლილების მოხდენიდან 10 სამუშაო დღის ვადაში ამ წესის დანართი N3-ით გათვალისწინებული ფორმით.

3. თუ საწარმოს ფასიანი ქაღალდები სავაჭროდ დაშვებულია საფონდო ბირჟაზე, მაშინ ეროვნულ ბანკში განახლებული ანგარიშის წარდგენისთანავე მმართველი ორგანოს წევრი ანალოგიურ ანგარიშს წარუდგენს საფონდო ბირჟასაც.

მუხლი 7. სატენდერო შეთავაზების შედეგად ფასიანი ქაღალდების მნიშვნელოვანი შენაძენის შეტყობინებათა ეროვნულ ბანკში წარდგენა

ეროვნულ ბანკში შეტყობინებათა წარდგენის ვადა სატენდერო შეთავაზების შემთხვევაში შემდეგნაირად დადგინდება:

1. თუ პირი ან პირთა ჯგუფი სატენდერო შეთავაზების შედეგად შეიძენს ფასიანი ქაღალდების მნიშვნელოვან წილს, მან ამის შესახებ ეროვნულ ბანკს უნდა აცნობოს 10 სამუშაო დღის ვადაში ამ წესის დანართი N4-ით გათვალისწინებული ფორმით;

2. თუ ამ მუხლის პირველი პუნქტით გათვალისწინებულ ვადაში იგივე შემთავაზებელი გააკეთებს ახალ სატენდერო შეთავაზებას, მაშინ მან პირველი შეთავაზების შედეგად შეძენილი მნიშვნელოვანი წილის შესახებ უნდა აცნობოს 2 სამუშაო დღის ვადაში;

დანართი N1

ანგარიშვალდებული საწარმოს ფასიანი ქაღალდების მნიშვნელოვანი შენაძენის (წილის) შექმნის ან/და მისი ცვლილების შესახებ

1. იმ ანგარიშვალდებული საწარმოს სრული სახელწოდება, რომლის ხმის უფლების მქონე ფასიანი ქაღალდების მნიშვნელოვანი წილის შექმნაც მოხდა:

2. შემტყობინებლის სახელი და გვარი, ხოლო თუ შემძენი იურიდიული პირია მისი რეკვიზიტები : -----

3. შემტყობინებელი არის თუ არა საწარმოს მმართველი ორგანოს წევრი:

ა) არა (მაშინ გადაადით მე-4 პუნქტზე)

ბ) დიახ (მაშინ დაასახელეთ თანამდებობა) -----

4.შეტყობინებას წარმოვადგენ იმიტომ, რომ:

ა) ფასიანი ქაღალდები ბენეფიციურ საკუთრებაში შევიძინე ან გავასხვისე.

ბ) შევიძინე ან გადავეცი ფასიანი ქაღალდების ხმის უფლება, თუ ასეა, მიუთითეთ თითოეული ბენეფიციარი მესაკუთრის სახელი და გვარი (იურიდიული პირის შემთხვევაში საფირმო სახელწოდება):

5. დაშვებულია თუ არა საფონდო ბირჟაზე სავაჭროდ საწარმოს ფასიანი ქაღალდები:

ა) არა;

ბ) დიახ (მაშინ შეტყობინების ასლი წარუდგინეთ ამ საფონდო ბირჟასაც).

6. შემტყობინებელმა ფასიანი ქაღალდები მნიშვნელოვანი რაოდენობით პირადად თუ პირთა ჯგუფთან ერთად შეიძინა:

ა) პირადად (მაშინ გადაადით მე-7 პუნქტზე);

ბ) პირთა ჯგუფთან ერთად (მაშინ დაასახელეთ ჯგუფის თითოეული წევრის სახელი და გვარი).

7.წარმოგიდგენიათ თუ არა აქამდე შეტყობინება?

ა) არა, ეს არის ჩემს მიერ წარმოდგენილი პირველი შეტყობინება (მაშინ გადაადით მე-8 პუნქტზე)

ბ) დიახ, ადრეც წარმომიდგენია შეტყობინება (მაშინ შეავსეთ მე-7 და მე-8 პუნქტებით გათვალისწინებული ცხრილები და აღნიშნეთ შეძენისა და გასხვისების ყოველი ფაქტი):

გასხვისების თარიღი	გასხვისების ფორმა	გასხვისებამდელი რაოდენობა (%)	გასხვისების შემდგომი რაოდენობა (%)

8.მონაცემები შეძენისა და შენაძენის შესახებ (II სვეტში მოცემულია შეძენის სახე და მასში უნდა აღინიშნოს, შესაბამისად: ყიდვა, ჩუქება, მემკვიდრეობა, გაცვლა, კონვერტაცია, მინდობილობის საფუძველზე მიღება, პირთა ჯგუფთან გაერთიანება):

შეძენის თარიღი	შეძენის სახე	პირადი შენაძენის რაოდენობა (%)		პირთა ჯგუფთან ერთად შენაძენის მთლიანი რაოდენობა (%)	
		რაოდენობა შეძენამდე	შეძენის შემდგომი რაოდენობა	რაოდენობა შეძენამდე	შეძენის შემდგომი რაოდენობა

9. შემტყობინებლის დადასტურება:

ვაცნობიერებ რა, რომ ანგარიშში არასწორი ან არასრული ინფორმაციის შეტანისათვის შეიძლება ეროვნული ბანკის პრეზიდენტის ან ვიცე პრეზიდენტის განკარგულების შესაბამისად დამეკისროს პასუხისმგებლობა, მათ შორის – ჯარიმა, ვადასტურებ, რომ ჩემს მიერ წარდგენილ ანგარიშში შეტანილი ინფორმაცია მართალი და სრულია.

ვაცნობიერებ, რომ ჩემს მიერ არასწორი ან არასრული ინფორმაციის შეტყობინებამ საქართველოს კანონმდებლობით გათვალისწინებულ პირობებში შეიძლება გამოიწვიოს სისხლისსამართლებრივი პასუხისმგებლობა.

(ხელმოწერა)

(თარიღი)

დანართი N2

ანგარიშვალდებული საწარმოს მმართველი ორგანოს წევრის ბენეფიციურ საკუთრებაში არსებული ფასიანი ქაღალდების შესახებ საწყისი ანგარიში

1. საწარმოს სრული სახელწოდება: _____
2. საწყისი ანგარიშის წარმდგენის სახელი, გვარი და თანამდებობა:

3. დაშვებულია, თუ არა საფონდო ბირჟაზე სავაჭროდ საწარმოს ფასიანი ქაღალდები (თუ არის, მაშინ ამ ანგარიშის ასლი წარდგენილ უნდა იქნეს ამ საფონდო ბირჟაზე):

- ა) დიახ;
- ბ) არა.

4. საწყისი ანგარიშის წარმდგენის მიზეზი:

- ა) საწარმო გახდა ანგარიშვალდებული;
- ბ) საწარმოს რომელიმე კლასის ფასიან ქაღალდებს "ჩანაწერით ფლობს" ფასიანი ქაღალდების 100-ზე მეტი მფლობელი;

გ) საწარმოს ფასიანი ქაღალდები დაშვებულ იქნა სავაჭროდ საფონდო ბირჟაზე;

დ) წარმდგენი არჩეულ ან დანიშნულ იქნა საწარმოს მმართველი ორგანოს წევრად.

5. საწყისი ანგარიშის წარმდგენის ბენეფიციურ საკუთრებაში არსებული ანგარიშვალდებული საწარმოს მიერ გამოშვებული ფასიანი ქაღალდების ცხრილი (II სვეტში მოცემულია შეძენის სახე და მასში უნდა აღინიშნოს, შესაბამისად: ყიდვა, ჩუქება, მემკვიდრეობა და ა.შ.):

ფასიანი ქალაქების კლასი	შემდგომი თარიღი და სახე	შენაძენის რაოდენობა	შენაძენი ერთეულის ფასი	შენაძენის მთლიანი ფასი	შემდგომი რაოდენობა (რიცხვ.)	შემდგომი რაოდენობა (%)

6. ანგარიშვალდებული საწარმოს ფასიან ქალაქებზე საწყისი ანგარიშის წარმდგენის მიერ ბენეფიციური საკუთრების შემდგომი გარიგების, უპირატესი უფლებების, ოფციონის და ვარანტების ცხრილი (I სვეტში უნდა აღნიშნოს: ოფციონი, ვარანტი ან სხვა შეთანხმება):

გარიგების სახე	გარიგების მხარე (მხარეები)	გარიგების თარიღი	შენაძენის რაოდენობა	ერთეულის ფასი	შემდგომი საერთო ღირებულება

7. ფასიანი ქალაქები თანასაკუთრებაში:

ფასიანი ქალაქების კლასი	თანამესაკუთრის ვინაობა	ანგარიშის წარმდგენის თანასაკუთრების რაოდენობა	თანამესაკუთრის საკუთრების მთლიანი რაოდენობა	თანასაკუთრების პროცენტული თანაფარდობა გამოშვებულ ფასიან ქალაქებთან

8. საწყისი ანგარიშის წარმდგენის ხელმოწერა:

ვაცნობიერებ რა, რომ ანგარიშში არასწორი ან არასრული ინფორმაციის შეტანისათვის შეიძლება ეროვნული ბანკის პრეზიდენტის ან ვიცე პრეზიდენტის განკარგულების შესაბამისად დამეკისროს პასუხისმგებლობა, მათ შორის – ჯარიმა, ვადასტურებ, რომ ჩემს მიერ წარმდგენილ ანგარიშში შეტანილი ინფორმაცია მართალი და სრულია.

7. თუ ანგარიშვალდებული საწარმოს ფასიანი ქაღალდების ბენეფიციურ საკუთრებაში ცვლილება გამოწვეულია ფასიანი ქაღალდების შეძენის გარიგებით, ჩამოთვლილ უნდა იქნას ყველა გარიგება, უპირატესი უფლების, ოფციონი და ვარანტი იმის მიუხედავად, ანგარიშვალდებული საწარმო არის თუ არა მისი მხარე, ან გარიგება წერილობითია თუ – ზეპირი (I სვეტში უნდა აღინიშნოს: ოფციონი, ვარანტი ან სხვა შეთანხმება):

გარიგების სახე	გარიგების მხარე (მხარეები)	გარიგების თარიღი	გარიგების ვადის გასვლის თარიღი	შენაძენის რაოდენობა	შენაძენი ერთეულის ფასი	შეძენის საერთო ფასი

8. თუ ცვლილება ბენეფიციურ საკუთრებაში გამოწვეულია ფასიანი ქაღალდების გასხვისებით, შევსებულ უნდა იქნას შემდეგი ცხრილი (II სვეტში მოცემულია გასხვისების სახე და მასში უნდა აღინიშნოს, შესაბამისად: გაყიდვა, ჩუქება და ა.შ.):

ფასიანი ქაღალდების კლასი	გასხვისების თარიღი და სახე	გასხვისების რაოდენობა	გასხვისებული ერთეულის ფასი	გასხვისების მთლიანი ღირებულება	გასხვისების ბამდელი რაოდენობა (რიცხვ)	გასხვისების შემდგომი რაოდენობა (რიცხვ.)	გასხვისების შემდგომი ოდენობის თანაფარდობა ამავე კლასის გამოშვებულ ფასიან ქაღალდებთან (%)

9. თუ ანგარიშვალდებული საწარმოს ფასიანი ქაღალდების ბენეფიციურ საკუთრებაში ცვლილება გამოწვეულია ფასიანი ქაღალდების გასხვისების გარიგებით, ჩამოთვლილ უნდა იქნას ყველა გარიგება, უპირატესი უფლება, ოფციონი თუ ვარანტი იმის მიუხედავად, ანგარიშვალდებული საწარმო არის თუ არა მისი მხარე, ან გარიგება წერილობითია თუ – ზეპირი (I სვეტში უნდა აღინიშნოს: ოფციონი, ვარანტი ან სხვა შეთანხმება):

გარიგების სახე	გარიგების მხარე (მხარეები)	გარიგების თარიღი	გარიგების ვადის გასვლის თარიღი	გასხვისების რაოდენობა (რიცხ.)	გასხვისებულ ი ერთეულის ფასი	გასხვისების მთლიანი ღირებულება

10. თუ ბენეფიციური საკუთრების ცვლილება დაკავშირებულია თანასაკუთრებასთან, შევსებულ უნდა იქნას შემდეგი ცხრილი:

ფასიანი ქაღალდების კლასი	თანამესაკუთრის ვინაობა	ანგარიშის წარმდგენის თანასაკუთრების ადრინდელი რაოდენობა (რიცხ.)	ანგარიშის წარმდგენის თანასაკუთრების ამჟამინდელი რაოდენობა (რიცხ.)	თანამესაკუთრის საკუთრების ამჟამინდელი მთლიანი რაოდენობა (რიცხ.)	ორივეს თანასაკუთრე ბაში არსებული ფასიანი ქაღალდების რაოდენობის თანაფარდობა ამჟამინდელი ფასიანი ქაღალდებთან (%)

11. განახლებული ანგარიშის წარმდგენის ხელმოწერა:

ვაცნობიერებ რა, რომ ანგარიშში არასწორი ან არასრული ინფორმაციის შეტანისათვის შეიძლება ეროვნული ბანკის პრეზიდენტის ან ვიცე პრეზიდენტის განკარგულების შესაბამისად დამეკისროს პასუხისმგებლობა, მათ შორის – ჯარიმა, ვადასტურებ, რომ ჩემს მიერ წარმდგენილ ანგარიშში შეტანილი ინფორმაცია მართალი და სრულია.

ვაცნობიერებ, რომ ჩემს მიერ არასწორი ან არასრული ინფორმაციის შეტყობინებამ საქართველოს კანონმდებლობით გათვალისწინებულ პირობებში შეიძლება გამოიწვიოს სისხლისსამართლებრივი პასუხისმგებლობა.

(ხელმოწერა)

(თარიღი)

დანართი N4

შეტყობინება ფასიანი ქაღალდების სატენდერო შეთავაზების შესახებ

1. შემტყობინებლის სახელი, გვარი (თუ იურიდიული პირია – რეკვიზიტები) -----

2. ფასიანი ქაღალდების კლასი და რაოდენობა, რომლის შესყიდვაც სურს შემთავაზებელს;

კლასი	რაოდენობა
აქცია	
კორპორაციული ობლიგაცია	
სამთავრობო ფასიანი ქაღალდი	
მუნიციპალური სასესხო ვალდებულება	
კოლექტიური საინვესტიციო სქემის ფასიანი ქაღალდი	
ოფციონის ხელშეკრულება	
ფიუჩერული ხელშეკრულება	
ვარანტი	
სადეპოზიტო ხელწერილი	
სხვა დანარჩენი	

3. ფასი, რომლითაც შემთავაზებელს ფასიანი ქაღალდების შესყიდვა სურს -----

4. მოცემული ანგარიშვალდებულებული საწარმოს მიერ გამოშვებული ყოველი ფასიანი ქაღალდის კლასს და როგორც პროცენტულ, ასევე რიცხობრივ რაოდენობას, რომლის რეგისტრირებული მფლობელიც ან/და მინდობილობით მფლობელიც არის შემთავაზებელი;

5. სატენდერო შეთავაზების ვადები

- ა) რა თარიღიდან იწყება სატენდერო განცხადებების მიღება -----
- ბ) რა თარიღამდე იღებს შემთავაზებელი განცხადებებს -----
- გ) რა ვადაში გასცემს განცხადებას პასუხს -----
- დ) ანგარიშსწორების პირობები და ვადები -----

6. ვადასტურებ რომ:

ა) სატენდერო შეთავაზება შედგება მხოლოდ მაშინ, თუ ამ განცხადებაში აღნიშნულ ფასიანი ქაღალდების რაოდენობის გაყიდვაზე მივიღებ თანხმობას;

ბ) თუ შეიცვლება სატენდერო შეთავაზების რომელიმე პირობა, გაკეთდება სატენდერო შეთავაზების განახლებული ვერსია და გავრცელდება ხელახლა.

გ) იმ შემთხვევაში, თუ მივიღებ ამ განცხადებით გათვალისწინებულზე მეტი ფასიანი ქაღალდის შესყიდვის თანხმობას ფასიანი ქაღალდები შესყიდული იქნება თანაბარწილად, პროცენტულობის ან რაოდენობის მიხედვით.

7. სატენდერო შეთავაზების აგენტის რეკვიზიტები;

8. შენიშვნები _____

(ხელმოწერა)

(თარიღი)